

第〇八二冊

方輿彙編

職方典

兗州府部

東昌府部

(卷)

二四〇—二四

二四九—二五

古今圖書集成

中華書局影印



欽定古今圖書集成方輿彙編職方典

第二百四十卷目錄

兗州府部彙考三十二

兗州府古蹟考二

陵墓附

職方典第二百四十卷

兗州府部彙考三十二

兗州府古蹟考二

陵墓附

府志

曲阜縣

少昊陵 在縣東北八里陵前有石壇石像有

石碑四高廣各二十餘尺龜趺亦長二十尺其

上無字蓋宋時所造碑成未鐫金兵至遂廢亦

奇蹤也按史記少昊葬雲陽顏師古註云雲陽

山名在曲阜今陵在平地無山形也陵前又有

大石方廣丈許舊爲土壘明嘉靖末水汜始出

其文云奉勅修仙源縣景靈宮太極觀于大中

祥符五年三月一日奉安聖祖遂爲大帝立石

聖像蓋宋真宗時所建老氏之宮也

至聖先師墓 在縣北三里史記孔子葬魯城北

泗上弟子心喪三年相訣而去唯子貢廬于冢

上凡六年弟子及魯人從而家者百餘室王充

論衡曰孔子當泗水而葬泗水爲之却流春秋

演孔圖曰烏化爲書孔子奉以告天亦爵衡書

書上化爲黃玉刻曰孔提命作應法爲赤制孔

子卒以所受黃玉葬魯城北譙周曰孔子死人

就冢次而居者百有餘家命曰孔里孔叢子曰

孔子墓塋方一里在魯城北六里泗水上諸孔

氏封五十餘所人名昭穆不可復識有銘碑二

所獸碣具存皇覽曰孔子冢去魯城一里冢塋

百畝塋中不生荆棘刺人草樹以百數皆遠方

弟子各持鄉土異種所植魯人世世無能名云

啓聖公墓 在城東二十八里防山水經註曰

沂水出魯城東北尼丘山西北山南數里孔子

父葬處所謂葬於防者是也

復聖公墓 在城東二十里

魯諸公墓 在舊縣東八里修隴蔓延不絕西

葬伯禽南葬文公惟昭公墓在道南孔子爲魯

司寇時溝而合諸墓按左傳季孫使役如闕公

氏將溝焉闕城即闕鄉澤在今汶上之西非此

地也

漢魯諸王墓 在縣東南七里許大家二十餘

漢魯恭王子孫葬處石人三臂臆間篆刻有曰

漢樂安太守庶君葉塚者有曰府門之卒者餘

剝落不可備識

顏侍郎墓 在魯東故城內有高冢數區前列

翁仲其一稱太常卿文儼其一稱戶部尚書衍

顏氏之族今附葬焉相傳之推眞卿杲卿皆葬

於此蓋附會之說

白公墓 在縣城北皇覽曰奄里白公冢在魯

褚遂良墓 在縣北八里按遂良以諫立武后

貶爲愛州刺史卒於謫所此地有墓誤也

孔道輔墓 在先師墓西南張宗益爲銘

明刑部侍郎魏紳墓 在縣西十五里

刑部尚書孟鳳墓 在縣西二十里嘉靖六年

奉勅營造

滋陽縣

五代僕射房溫墓 在縣北五里元齡八代孫

也

元祭酒王思誠墓 在府城東南十里

明距野王墓 在城東南八里

鄒縣

亞聖公墓 在縣東三十里四基山之西麓歲

久榛莽宋景祐四年龍圖學士孔道輔知兗州

訪而得之因于其旁建廟政和四年奉詔重修

賜祭田百畝以給守者其後徙廟于城明嘉靖

四十二年知縣章時鸞置祠于墓所宗子博士

以春秋奉祀

孟母墓 在縣北二十里馬鞍山下墓前有祠

宋孔道輔所建元人張璠有銘

紀子墓 在縣南二十五里嶧山之巔俗謂其

城曰紀王城考春秋鄆子爲邾所破從孑于邾

鄆紀聲相近殆鄆子也

漢丞相韋禹墓 在縣西三十里

唐僕射杜如晦墓 在縣北五十里按如晦杜

陵人卒于長安此地不宜有墓也

魯靖王園 在縣東北雲山

魯諸郡王墓 安丘靖恭王墓在縣境望雲山

莊簡王墓在韞玉山榮順王墓在烏龍山榮恪

王墓在財山樂陵恭惠王墓在縣東陽山陽信

安僖王墓在縣北岡山高密康穆王墓在縣境

呈瑞岡新蔡昭和王墓在縣東大陽山館陶寧

思王墓在縣東北盤龍山滋陽王墓在盤龍山

寧陽縣

韓鐸墓 南宋太子申舍墓在縣二里稍南有

子純墓碑多殘毀今華表存焉

梁尚書王筠墓 在城西南隅

明文淵閣大學士許彬墓 在城東二里杏岡

成化中勅造大學士劉翊爲銘

府尹王賢墓 在縣北十八里戴村成化間勅

造尚書姚夔爲銘

泗水縣

明魯惠王園 在縣南三十五里九奇山

魯恭王園 在九奇山萬曆二十二年葬

魯諸郡王墓 距野僂順王墓距野端肅王墓

東甌端肅王墓俱在縣東南五十里鳳凰山之

麓東阿王墓在城東北五十里龜山

滕縣

奚仲墓 在縣南三十里奚公山上水經註曰

鄒水又西南逕薛縣故城北夏車正奚仲之國

也城南山上有奚仲家

滕昭公墓 在西南十五里

冉子墓 在奚仲墓傍魯有三冉仲弓伯牛之

墓已有定處惟再求無考或此其地也

公孫丑墓 齊乘云在滕州北公村通志云在

鄒縣西北十里今祀于鄒

萬章墓 齊乘云在滕州南萬村通志云在鄒

縣西南十里今祀于鄒

靖郭君墓 皇覽曰在魯國薛城中東南陬

孟嘗君墓 皇覽曰在魯國薛城中向門東向

門者出北邊門也水經註云冢結石爲郭作制

嚴固整麗可尋今墓已開發內如宮室以銅鐵

鑄壁扣之有聲堅不可動

毛遂墓 在薛城北門外遂薛人也葬此有石

留侯墓 在微山徐州志在留城南括地志云

在徐州沛縣東六十里正近微山微山亦近留

也謂在壽張者誤

李英公墓 在縣東南六十里趙家莊按金明

昌徐大材墓碑云世勳陪葬昭陵武后時子敬

業舉兵覆宗掘公塚而暴其骨業敗攜家奔潤

州將入海阻風遺山江中有散于東海昌慮者

卽其地而家焉是時本與敬業者乃復徐氏中

宗反正詔復勳官葺完塋塚至是子孫移葬于

昌慮之石樓與唐書合通志謂在曹州者其先

塚也

張圭墓 在縣東北九十里鳳凰嶺前今居人

掘土得碑字剝蝕不可辯僅識唐宰相張圭六

七字考唐書宰相表無之

駙馬陳燕墓 在縣東北八十里祝溝西南碑

但云唐駙馬陳燕不知尚何主土人云是唐太

宗駙馬唐書公主列傳亦無陳燕名里

張丞相墓 宋人名義墓在城東

墨丞相墓 在城西南四十里原青州人高宗

南遷子孫負骨葬于此因家焉

余尚書墓 宋人名珪皇慶贈兵部尚書臨淄

郡侯

李文正公墓 元人名稷封齊國公墓在城西

北一里

任中丞墓 元人名擇墓在縣南四十里

劉尚書墓 元人名某墓在城西北二里

李文穆公墓 元人名元封東平縣公墓在城

西北五里子塔刺海爲集賢學士附葬

明魯莊王園 在縣東南二十里狐台山麓俗

謂壺山是也

嶧縣

先賢高子墓 孔門弟子名柴字子羔齊人敬

仲僕十代孫也墓在縣東五十里故蘭陵城北

陽穀縣亦有

左丘明墓 楚左史倚相之後也墓在縣東北

七十里

匡丞相墓 漢人名衡墓在縣西南十三里左

有祠宋宣和間建

疏太傅墓 在縣南四十里二疏城南詳見祠

祀

王光祿墓 晉人名肅墓在縣東南二十五里

肅善經學累官光祿勳嗣父朗爲蘭陵侯葬此

劉伶墓 在縣東北二十里齊乘云伶墓所今

名劉曜村旁半里許有劉伶臺其下爲劉伶河
水混白類酒土人相傳爲伶醺酒處按伶沛人
去嶧未百里此其置鋪處也有前人弔伶墓詩
寧陽亦有伶墓誤也

梁王墓 在縣西二十里院山之麓舊傳爲梁
王葬地無碑誌可考按蘭陵爲蕭梁故里此湯
沐邑必其封王子弟者沒葬此明正德間爲盜
所發

脫烈公墓 元人名哥故守嶧州愛其山川風
土遂家于嶧此墓在東郊壇山之下蓋公生時
自營者亦達人也太守梁宜有記

蔡尚書墓 元人名受益累官度支監丞行中
書省參知政事工部尚書墓在城南元祿書少
監翰林學士虞集有誌

周將軍墓 在縣西四十里建陵城東元廣威
將軍同知嶧州軍事周忠并其子武節將軍兼
邳州節度副使瑞昌俱葬此地

石榮墓 在縣南五十里庫山之東本徐州節
度使石榮葬此土人訛爲石崇墓非也

明樂陵王墓 在縣北四十里花盤山
安丘王墓 在邑境

金鄉縣
米鮑墓 水經濟水又東過東嶺縣北又東逕
漢將軍扶溝侯淮陽米鮑冢是也今在縣西三
里有石堂壁上鐫人物衣冠畧古籀竈之類
或負攜掬掘之狀夢溪筆談云今之衣服非古
惟米鮑石堂所刻本冠眞漢制也

秦王陵 戴延之西征記曰焦氏山東卽金鄉
山也有家謂之秦王陵山上二百步得冢口塹
深十丈兩壁峻峭廣二丈行七十步得堽門門
外左右皆有空可容五六十人謂之白馬空堽
門內二丈得外堂堂後又得內堂觀者皆執燭
而行雖無他雕鏤然治石甚精或云漢昌邑哀
王冢所未詳也

單縣
青塚 在縣南八里俗傳爲昭君墓非也周回
三百步高數仞常以八月上有白雲擁出風雖
四轉竟落西南不知所解

陳子春墓 在城西北八里其旁有廟俗傳單
父人三官之父不知居何代美姿容有學行東
遊海岱三龍女悅而適之後各生一子爲三官
故鄉人立廟祀之禱雨輒應

李尚書墓 宋人名廷實兵部尚書封隴西郡
侯墓在城東南五十五里

蔡尚書墓 宋人名衍兵部尚書濟陽郡侯墓
在城東八里

焦將軍墓 元人名雲從在舊城南三里學士
楊師文撰碑趙孟頫書

劉平章墓 元人名肯構墓在城東南二十里
邵侍郎墓 明人名旻墓在城北二十里宣德
間勅造

泰府尹墓 明人名崇墓在城東四十里弘治
間勅造祭酒鄭紀爲銘
秦襄毅公墓 明人名紘兵部尚書墓在城東

四十里正德間勅造學士張元楨爲銘
陳侍郎墓 明人名勛墓在城東門外正德中
勅造大學士費宏爲銘

吳侍郎墓 明人名泰墓在城西三里正德中
勅造
張光祿墓 明人名實墓在城東五里嘉靖五
年勅造祭酒崔銑爲銘

魚臺縣
伏羲陵 在縣東北七十里鳧山其前有廟按
九域志兗單皆有伏羲陵路史又云陵在山陽
今曲阜鄒滕嘉祥境內皆有伏羲廟以此故也

城武縣
張左丞墓 名燾漢尚書左丞封竹邑侯墓在
縣北一里

祝尚書墓 宋人名維嶽戶部尚書墓在城東
北二十里

苗中書墓 元人名好謙參知政事墓在城北
二十里

濟寧州
女媧陵 在州東南三十九里太昊紀曰女皇
氏女媧雲姓太昊之女弟也出于承匡少佐太
昊禱于神祈而爲女婦正姓氏職婚姻通行媒
以重萬民之命是曰神祿註曰承匡山名在任
城縣東南七十里女媧生處也考史陵在華州

灌嬰墓 在州東三十里
王仲宣墓 在州南五十二里

何休墓 在州北二十里

靳少宰學顏墓 在城北里許隆慶中奉勅修造

任城王墓 名道宗唐宗室功臣封于任城墓在城南二十里

李狀元墓 金人名演官翰林死節墓在州西二里

趙將軍墓 明人名卿子汝璧俱至總兵都督墓在城北二里萬曆間奉勅修造同郡干慎行為銘

王廷尉墓 明人名湘大理寺卿墓在城西北十二里萬曆二十二年奉勅修造

晁尚書墓 元人名顯兵部尚書墓在城北二十里參政王士熙為銘

史集賢墓 元人名惟良集賢大學士墓在城南三里學士黃潛為記

樊侍郎墓 明人名敬兵部侍郎墓在縣南五里正統間勅造少師楊士奇為碑

工部侍郎孫名時墓 在城南二十里少師楊士奇為碑

戶部尚書侶鍾墓 在縣南八里正德間勅造少師李東陽為碑

兵部尚書樊繼祖墓 在侍郎墓側尚書蘇祐為銘

鉅野縣

比干墓 在縣西南二十里未詳所據
彭越墓 在縣城東南五十里

魯恭墓 戴延之西征記曰雋氏山北數山漢

司隸校尉魯恭穿山得白蛇白兔不葬更葬山南鑿而得金故曰金鄉山山形峻峭冢前有石

祠石廟四壁皆青石隱起自書契以來忠臣孝子貞婦孔子及弟子七十二人形像像邊皆刻

石記之文字分明又有石牀長八尺磨瑩鮮明叩之聲聞遠近

胡狀元墓 金人名勵墓在城西三里

宋中丞墓 明人名滄都御史墓在城東北十八里

蚩尤冢 在城東北八里皇覽曰山陽鉅澤縣有肩髀冢傳言蚩尤與黃帝戰黃帝克之于涿鹿之野身體異處故別葬焉

嘉祥縣

宗聖公墓 在縣南四十里南武山西墓前有祠

范巨卿墓 在縣南二十五里大鼎山前有廬江太守范府君碑文今移濟寧州學水經注曰

秦王陵東南范巨卿冢石柱猶存即今地也

龜錯墓 在縣南十五里釣魚山下有翁仲石馬羊虎坊門在焉考錯不應葬此殆宋鉅野鼈氏葬地俗誤傳也

晉太尉郗鑒墓 在城南七里有郗城城旁為墓墓前有二石臺相去丈許其高二丈悉鏤花卉狀絕頂則斗拱工細鱗瓦參差乃砌石成闕以通出入自遠望之如燈檠也土人名其山為燈檠山

翟師軻墓 在縣東南聖山之下師軻金人鄉貢進士有文章行於世

投廷珪墓 在縣西二十五里麟冢東北廷珪元人仕至鎮江路總管父子兄弟俱為名臣墓方八十畝翁仲石馬羊虎俱在

張總管墓 元人治水有功陞濟寧總管後致仕而終墓在縣東南花林山下元時勅造有翁仲石馬羊虎華表穹碑在焉總管無子有女嫁衍聖公孔氏至今祀之

滿尚書墓 元人名讓禮部尚書立身清謹墓在縣南二十里

魯秋胡墓 在縣南五十五里平山之下居民有邵氏者稱秋胡妻邵氏之後為立廟山巔云費縣亦有秋胡墓于理為近

曹州

堯陵 在州東北五十里舊雷澤城西陵高四丈五尺廣二十餘丈陵上有廟俗謂之堯王寺是也皇覽云堯塚在濟陰城陽呂氏春秋云堯葬穀林皇甫謐云穀林即成陽也水經注曰成陽城西二里有堯陵陵南一里有堯母慶都陵

皆立廟四周列水潭而不流水澤通泉泉不耗竭至豐魚筍不敢採捕前列數碑柏數株檀

欖成林二陵南北列馳道徑通皆以磚砌之堯陵東城西五十餘步有中山夫人祠堯妃也石

壁階墀仍舊長櫟聯陰扶疎里餘自漢迄晉二千石及丞尉多刊石述叙云宋神宗熙寧元年七月知濮州韓鐸言堯陵在本州雷澤縣東數

林山陵南有堯母慶都靈臺廟請勅本州春秋致祭置守陵戶免其租稅俾奉洒掃給守陵五戶明弘治七年禮部尚書耿公移文命州學正濮琰上狀將改正祀典已而不果歐陽修集載濟陰堯祠碑云帝堯者蓋昔世之聖主也又曰聖漢龍興纂堯之緒祠以上犧至于王莽絕漢之業而壇場彝替屏幘無位大抵文字磨滅字雖可見而不復成文其後有云李樹連理生于堯塚太守河南張寵到官始初出錢二千致敬禮祠其餘不能讀碑後有年月蓋嘉平四年建也又載堯祠祈雨碑云云

唐昭宣帝陵 在州境內帝爲朱溫所篡封濟陰王既而鳩殺之瘞于曹州同光三年後唐莊宗因其故壘稍廣其封上諡昭宣天成四年明宗遣使奉冊立廟曹州

仲山甫墓 水經注云中山人祠南有仲山甫冢冢西有廟石羊虎傾低破碎略盡今不可考

甯武子墓 在州西北二十五里舊嘗有祠爲水所沒

子夏墓 在州西三十里有高阜地名卜壩

曹縣

湯陵 在縣南十八里土山之巔陵前有廟中祀成湯以伊尹萊朱配明成化間知縣韓懋修尚書李秉爲記皇覽云湯冢在濟陰臺縣北東郭是也今偃師亦有湯陵每三歲遣使祭享蓋本之括地志所紀恐誤

漢恭皇陵 在漢西北五十里左山之陽恭王崩子哀帝置陵廟周丘而城以爲陵邑水經濟水又東北逕定陶共王陵南也金以前曹州治在其地

丁太后陵 在恭皇陵側漢哀帝卽位尊爲太后建平二年崩起山陵于共王之園送葬定陶王莽秉政貶號丁姬掘平其冢公卿遣子弟及諸生四裔十餘萬人操持作具助將作掘平其王母傳太后及丁姬冢二旬皆平時有羣燕數千銜土投下于丁姬竈中今其墳塚巍然外郭數周面開重門夾道二碑世謂之長陰陵

莘仲君墓 在縣北十八里莘仲集古之有莘國君湯妃母冢也

伊尹墓 在縣東南境史記帝沃丁葬伊尹于亳皇覽曰伊尹冢在濟陰已氏平利鄉毫近已氏正此地也帝王世紀伊尹百年卒天霧三日沃丁以天子禮葬之括地云伊尹墓在偃師縣誤也

萊朱墓 在縣南十里俗名朱天壩舊有萊朱廟

子臧墓 在安陵集舊曹州境

左公墓 在縣西北左山之巔相傳魯太師左丘明之父也宋盛琳撰碑其下又爲慎到墓

冉仲弓墓 在縣東北五十里冉壩村前有祠弘治中知縣鄒魯建萬曆間知縣錢達道重修

魏冉墓 冉爲秦相益封于陶富于王室范雎說秦秦王悟其擅權免相就國故葬於此世謂

之安平陵水經濟水又東逕秦相魏冉冢是也冉壩之名蓋因此墓而世以爲冉子耳

魏諸王墓 在左山

錢柱國墓 在峒胡村名樊吳越王後故爲楚丘令後至司農少卿歸老楚丘因葬焉侍御史杜純撰誌

宋李平原緯墓 在楚丘子師中誌

元馮侍御翼墓 在縣境廣集爲銘

元徐將軍仁墓 在縣北四十里地名商村

明吏部尚書李秉墓 在縣東北三十里成化間勅造

中丞王珣墓 在縣南五里水壩原正德間賜葬子崇文崇獻皆附于側

中丞朱綱墓 在城北十五里萬曆間勅造

定陶縣

曹叔振鐸墓 在城西北十里卽髡山之巔十五公咸葬于此積墳如山故曰髡山

伯樂冢

皇覽曰在定陶東南二里高四五尺今無可考

陶朱公墓 在縣治東北肥城陶山亦有朱公墓皆不可考而水經所指朱公之陶則此地也

項梁墓 在城北五里

明戶部尚書曹邦輔墓 在縣東柳林村萬曆中勅造同郡于慎行爲銘

東平州

堯陵 在城東北十三里蘆泉山陽詳見祠祀及考堯陵所在當以曹州爲是此殆誤也

冉伯牛墓 初在汶上西門外感化橋側相傳

定公召孔子為司空以伯牛攝宰卒因葬焉宋

時改墓東平西北十五里舊有祠宇歲久傾圮

明正統間知州潘洪復新之祠旁有祭田三十

畝有司常以春秋祭享大學士許彬知州劉元

凱俱有碑記

漢東平思王墓 在州東故無鹽城東北二里

宣帝第四子也

東平憲王墓 在州北五里山前凡九塚水經

注曰漆溝水出無鹽城東北五里阜山下西逕

無鹽縣故城北水側有東平憲王蒼冢碑闕存

焉即此地也墓前為佛寺明嘉靖庚子改建王

祠有司春秋祭享以宋殿中侍御史馬仲配

劉府君墓 在城東北堯陵前府君名曜漢光

祿勳有古碑殘折

宋狀元梁灝墓 在州北二十五里望山之陽

及子固附葬

梁莊肅公墓 在狀元墓西北名適宋宰相亦

灝子也梁氏宋時多顯貴列冢十餘皆有翁仲

碑石

殿中侍御史馬仲墓 在憲王陵北五里

孫明復墓 在州北盧泉鄉先生平陽人隱于

泰山之陽官至殿中丞卒葬于此歐陽修銘其

墓

龍圖閣學士孫宣公夷墓 在州東十五里

元狀元霍希賢墓 在州東二十里

韓總管煦墓 在州北王陵臺前有元學士李

之紹撰神道碑銘

左丞相忙兀臺公墓 在州北王陵臺西丞相

名光照有至元二十三年碑文

明太子太保兵部尚書王憲墓 在城北二十

里荆山之南嘉靖十七年奉勅修建大學士李

時撰神道碑

尚書劉源清墓 在州北七里隆慶初奉勅建

修郡人趙元夫為銘

吏部尚書吳墓嶽 在州北十里

汶上縣

蚩尤冢 在南旺湖中故壽張境也皇覽曰蚩

尤冢在東郡壽張縣關鄉城中冢高七尺常以

十月祠之有赤氣出如絳民名為蚩尤旗是也

漢衡衛尉方墓 在縣西南十三里古碑一道

建寧間立又浚儀令衡立亦有一碑

王彥章墓 在縣西門外即彥章死節處也墓

前有祠明文皇靖難駐蹕汶上親祭其墓初令

有司以四月十五日致祭按歐陽修書像謂其

葬鄭州管城此或後人傷之掩其衣冠耳

金翰林學士完顏致墓 在縣南二十里

元兵部尚書張助墓 追封東平郡公諡莊憲

翰林學士曹元用墓 在縣西南七十里

學士國祥墓 在縣南二里

都水少監馬之貞墓 在縣東南十里

平章王柏弘墓 在縣東十里

明兵部尚書路迎墓 在縣南七里嘉靖中奉

勅修造邑人吳維嶽為銘

戶部尚書王果墓 在城東南二里邑人郭朝

賓為傳

工部尚書郭朝賓墓 在縣東十里萬曆十一

年奉勅修建有同郡于慎行為銘

東阿縣

項王墓 在縣城北漢高帝既滅楚魯猶為羽

守乃持項羽頭示魯魯乃降遂以魯公禮葬于

穀城皇覽曰穀城縣東十五里有項羽塚水經

注曰穀城西二里有項王羽之塚在焉石碣具

存皇覽所云非也述征紀云在穀城西北三里

蓋本之水經至漢書註宋白以宋州穀熟縣為

項王葬所非是

陳思王墓 在城西八里魚山西麓水經注曰

漁水即吾山也漢武軫子歌所謂吾山平者山

上有柳舒城魏東阿王曹子建每登魚山有終

焉之志後徙王陳墓其子志遵治命返葬于阿

即山為墳元時以王為東阿城隍後令宮欽改

正其訛別祠王于邑城其後城遷祠廢明隆慶

間縣令田樂建祠于墓下有屋三楹未設廟貌

程盧公墓 在縣西南白臘山之陽唐程知節

葬所也知節陪葬昭陵子孫以衣冠葬此邑人

蘇則魯有辯

吳文肅公墓 在城東南二十里陶家峪宋參

知政事吳奎葬所也奎益都人知鄆州徙其先

世于此其後奎亦附焉

侯丞相林 在城東三里冠山下金丞相摯大

父義也義仕金為宣武將軍葬此後摯為右丞

死汴土人以故號其林曰丞相

金平章政事張文簡公萬墓 在青台鋪北三里其故宅在青台鋪

東平桓肅公墓 在城北十五里香山下所謂

札刺王也其前數里為王家廟故址碑石具存

元翰林司允德墓 在城北二里

明兵部尚書張本墓 在城北四十里王村鋪

宣德中奉勅修造少師楊士奇為銘

戶部尚書師達墓 在城北一里許

中丞劉隅墓 在城西二十五里苦山後父參

政約兄員外郎田俱葬其地

中丞李仁墓 在苦山之前明嘉靖間葬

兵部侍郎殷學墓 在城北十里清河西岸明

嘉靖間葬

中丞侯越墓 在丞相林北明嘉靖間葬

郡丞于玘墓 在城南十二里

陽穀縣

田真墓 在縣東北十五里舊有碑石

達德台墓 在城東北六十里元參知政事封

東平郡公

王丞相墓 在縣西南十五里元人名居仁中

書平章事封剡國公大父諛元初從軍封東平

郡侯父教贈東平郡公並葬其地

壽張縣

張公墓墓 在縣南十里明正德六年參政史

學立石志之

平陰縣

金二王先生去非去執墓 在縣西南十八里

石峽村左為醇德先生右為榆山先生党懷英

為表

元翰林學士李之紹墓 在石峽村

沂州

無墓 路史在羽山之下在州東南百里

季文子墓 在州治西南魯卿山上其前有祠

元人王良弼撰記

荀卿墓 在州西南二十里許舊蘭陵城與嶧

縣接壤

蕭太傅墓 在州西南一百三十里

鄒邠王墓 在州東南一百里晉宣帝子名個

王祥墓 在州北二十五里朱潘村有河曰孝

威即沂水支流躍鯉處也在岸二里大塚有七

翁仲石羊虎俱存碑石斷裂不可盡識河西為

雕陵公祠天曆三年建

元尚書管仲祿墓 在州北一里馬湖莊

都御史陳玉墓 在州西北三里明時勅建

太子太保左都御史王璟墓 在州東南三里

嘉靖間勅造

鄭城縣

鄭子墓 在縣南十五里謂之寨子社邑人廟

祀之

于公墓 在縣城西偏俗呼青塋

于定國墓 在縣南舊東海縣

使彭公立石表其事

何遜墓 在縣境長城社邇梁江州記室

費縣

曾哲墓 在縣西南八十里南成山王符論衡

所謂南城之墓曾子非不孝是也史記曾子南

武城人南武城者漢泰山郡南城即今之費也

縣志記曾哲墓在磨山故縣之墟于理為近今

祀于嘉祥誤矣

澹臺滅明墓 在縣東北三十里

原憲墓 在縣西北一百二十里其旁有原憲

城

司馬牛墓 在縣西南南成山按杜預註漢南

成縣也哀公十四年司馬牛葬此

顏魯公墓 相傳在縣東北四十里其旁有隱

真觀魯公所居也按米芾仙真記魯公死于賊

中賊平家啓瘞之歸葬于偃師縣北先塋以此

證之魯公冢不在費也以為曲阜者尤誣

明魯懷王園 在縣西南八十里毓秀山即南

成山也亦曰曾子山

魯悼王園 在毓秀山

魯端王園 在縣西南洙灣山

古今圖書集成

方輿彙編職方典第二百四十卷兗州府部

第〇八二冊 之〇四葉

欽定古今圖書集成方輿彙編職方典

第二百四十一卷目錄

兗州府部彙考三十三

兗州府古蹟考三



職方典第二百四十一卷

兗州府部彙考三十三

兗州府古蹟考三

滋陽縣志

帝堯東巡遺址 史記堯歲二月東巡狩至于

岱宗柴望秩于山川遂見東方君長駐蹕于此

後人因建祠祀之唐李白朱范仲淹俱有題詠

歐陽修亦有碑記今其祠既廢止餘故址云

舜泉 在城北三里即負瑕泉史記稱舜就時

于負夏孟子言遷于負夏即負瑕也泗水志云

諸馮在費縣去泗水十里負夏即兗州之瑕丘

蓋謂此也

陋巷 在縣前路南小巷湫隘前有勒石即顏

子簞食瓢飲處嘗對孔子曰回有郭內之田五

十畝足以爲線麻者即此地北首建兗國復聖

公廟即其廟爲滋陽學末築己丑上遣禮部員

外郎饒鼎等來兗特祀表其里居存有御祭碑

顏子郭外田 在縣治南八里南砂堆社舊名陋地按家語顏子稱郭外之田五十畝足以給

饋粥者即此地向建有兗國復聖公廟久廢順

治十一年滋陽縣知縣宋文運輸俸鼎建前殿

五楹後殿三楹廟貌復新

兗州故城 東漢兗州治昌邑隋兗州治瑕丘

今既別有嶽陽廢城則此城疑爲隋後變遷者

城東北五里草橋口西俗名古城

魯東門 在兗城以東唐李白詩曰水作蒼龍

盤石堤桃花夾岸魯門西即今金口堰非祀爰

居之所也魯治雖在曲阜謫仙之詠則在兗城

曲阜東門無水泗之濛濛瀾瀾于兗者歷世如

昨矧桃紅夾岸泗堤至今猶盛此蹟在兗通志

郡志皆同

沙丘 城東二里黑風口西秦始皇東巡封泰

山登嶧山之巔立碑頌德乃至闕里發孔子墓

既啓見冢壁上刊文云秦始皇何強梁開吾戶

據吾牀飲吾漿唾吾堂前至沙丘當滅亡七月

至此見童子聚沙爲丘果病篤丙寅始皇崩至

今地名沙堆社

婁公莊 在縣南二十里漢建信侯婁敬之居

其先世居于齊至敬始遷居于邑之西遂號其

地爲婁公莊近置有婁莊集

鑿築此以望氣侵

韋園 在縣治東百餘步漢丞相韋賢爲瑕丘

江公弟子受詩于江公因築園斯地以便就傳

子元成以明經至丞相增修益盛名曰韋園至

明洪武年始建關聖帝祠于內至今猶稱韋園

關帝廟

兩疏故里 在縣北四十里漢太子太傅疏廣

兄子疏受爲太子少傅流居于邑之北高吳里

今有東疏村西疏村乃兩疏之分墮

嶽雲樓 即兗州南城樓唐杜甫省親登樓賦

詩後因爲少陵臺明在滋陽王府內清縣尹趙

惠芽鐫像於上建亭其下爲兗州之勝槩云

南池 杜子美泛舟之地登眺之餘繼而鼓枻

亦賢跡之所至也

顧王城 顧王者柳下惠之弟展雄孟子所稱

盜聽者在邑西三十里築城自衛能周給鄰里

土人感之號曰顧王

舞雩臺 在城東沂河南即曾點所謂風乎舞

雩者

桃園 係魯府種植幾二十里郡人以爲美觀

金雞臺 在城外東北隅有石擊之如雞鳴聲

寶器庫 在縣治三十五里孟家莊西一里許

有土墳起凡人家有事用器皿者備香紙至其

所祝禱用器若干轉時即如數設列於外用過

送還後有人騙用不還今遂廢此嘉靖年事備

此以廣異聞

郭家潭 在縣治西十八里先有大龜不知起

於何時曾有水手入潭行至數里見有山根于水盡處有一大龍兩眼如燈頸長一二尺綠毛其人送迺有汶上檀芳遂者爲江西令詣拜張天師至門有一人著青衣守門問以言默然見天師言其故天師曰彼乃先生鄉里郭家潭大龍也亦廣異聞

鍾離意得素書處 在縣治西北六十里滕村店東頭舊有木坊一座今廢

宋祝家寨 在縣西北三十五里相傳宋江三打祝家寨卽此地

大王營 在縣西北四十里係宋都汴時運糧漕河有大王廟併石閘遺跡

曲阜縣志

無字碑 在縣東北八里少昊陵前五大碑二碑高二十有三丈闊半之厚四尺最最高十有三尺闊如之厚四尺龜趺上有八尺三碑高二十有四尺闊半之厚四尺最最高十有八尺闊十有六尺厚四尺龜趺十有九尺無字碑昔賢過此有詩云豐碑不書字遺恨宜和年書宋末金兵至未完也又曰金人冒祖少昊金天氏故爲此碑元兵至不果成未詳孰是

護印石 在縣東北八里少昊陵前稱印石者言其形也歲久土壅嘉靖末水記始見其文曰通判大理評事麻溫其知兗州監察御史王孫奉勅同監修兗州仙源縣景靈宮太極觀于大中祥符五年三月一日奉文聖祖天尊大帝玉石聖像內侍省內侍殿頭楊入內侍省西頭供

奉官盧宗道入內侍省東頭供奉官郭昭信孔子春秋臺 在曲阜縣南十里

魯親里 聖母顏氏之所居也

安樂里 聖配開官氏之所居也漢末壽二年魯相韓叔節以聖族之親禮所宜異復其邑中田有碑記惜歷年久遠二里之名雖存而其地不可考矣

夫子甕 漢鍾離意爲魯相出私錢萬三千付戶曹孔訢修夫子車身入廟拭几席劍履時有男子張伯除堂下草中得玉璧七枚伯懷其一以六枚自意意令主簿安置几前其堂下牀首有懸甕意召訢問答曰夫子甕也皆有丹書人莫敢發意曰夫子所以遺甕欲以垂示後人因發之得素書文曰後世修吾書董仲舒護吾車拭吾履發吾筭會稽鍾離意壁有七張伯懷其一意卽召問伯果服焉

孔子石硯 在夫子故宅廟屋三間牀前有石硯一枚制甚古朴蓋夫子平生時物也

上東門 魯東城北門左傳公斂處父從人救陽虎之亂卽此

義門 在曲阜縣舊魯城建春門內宋大中祥符元年眞宗東封廻兗州以周公後東野紆累世義居詔旌表其門今址不存

白兔溝 在先聖墓北有虛墓五間皆石爲之秦始皇發冢有白兔出于中始皇逐之至曲阜西八里溝而沒魯人因名其溝曰白兔

石壇 昔先聖沒弟子于冢前僂臂爲壇方六尺至後漢末壽元年魯相韓叔節始易之以石方三尺厚如之縱橫各七其數四十有九四面皆歷代題名歲久湮沒字不可讀

石龕 在子思墓前二龕徑三尺五寸前漢居攝元年二月造有曰谷府鄉者有曰祝其鄉者字甚古拙餘字剝落

洙泗書院 在縣東北五里舊名先聖學堂貢泗抱洙夫子自衛反魯刪詩書定禮樂於此有祭酒呂柟碑記

觀臺井 在縣東北周敬王三十六年孔子繫易於此

四留碑 在金絲堂後宋王留耕所作學錄孔公墳書字意高古士人皆珍愛之

吳王城 在九仙山巔

陵墓附

伯皮墓 在啓聖王墓東南三步許

伯魚墓 在至聖墓後東

子思子墓 在至聖墓南

杞國公墓 在顏子墓北數步許

顏子墓 在縣東三十里石刻曰先師兗國公之墓前一石鐫兩甲士背負而坐一執斧一執金吾

宰我墓 在縣東南八里許

吳王墓 在縣北三十里

顏之推墓 在縣東五里大道北日侍郎林孔仁王墓 在至聖林內稱中興祖孔克堅墓 在至聖林內國子祭酒

孔公珣墓 在至聖林內詹事府少詹事孟麟墓 在縣西十五里陝西右布政

寧陽縣

古城 在縣南十五里春秋時魯大夫采邑今為泗莊社

土城 在縣東北十八里今名石碣社

半城 在縣東南十里今為泗莊社

崦上 在縣北十里亦梁王點軍臺龍泉北亦有崦上

磁窑 在故城社有廢窑百餘座側穿天井深八丈餘

魏家寨 在城東五十里其上高峻有石洞可容數百人元季人多避兵于此

虎埠 在馬山相傳虎育于此故名

紅石埠 在縣東北八十里出紅石

三埠 在縣東二十五里

雪埠 在縣北二十里有張果老廟俗名張果

老山相傳果老騎白驢至山墮遺鈴鐺今山谷間有小石如拳中空含小砂搖之有聲土人呼為鈴鐺石

落星石 在城東北四十五里兩石南北相去五里世傳為隕星

魯義姑退齊兵處 在縣東七十里義社蔚山迤西

兩疎故里 在縣西鄉東東西二村按廣輿記兩疎蘭陵人也子孫因避王莽之亂去疋而改姓為束束舊其後也或者當日流寓于此乎

滋陽高吳橋亦相傳為兩疎故里

周倉故里 在縣西三十里黃茂村有土歸然土人相傳為周倉墓舊有廟今圯

孝子石碣 在縣東二十里石碣社相傳有孝子廬墓立碣于此社故取名焉今碣雖存而字剝落不可識

陽冰真蹟 在縣治儀門左大曆五年為龔令庾公頌也昔人有詩贊之曰鸞翔鳳翥形將動龍繞蛇纏勢欲飛多為好古者所賞

陵墓附

晉劉伶墓 在縣東北四十里相傳劉伶荷鍤醉死葬此嶧縣亦有墓前人詩云一代高風野水邊伯倫遺塚尚依然千秋誰為澆墳土悔不當初葬酒泉恐此誤

南北朝宋太子中舍韓鐸并子純墓 在縣東里許碑殘僅存翁仲諸石近被土人取土墓毀幾露棺邑人周仔世過見遂買墓側李允登地三分捐工修築如故

元九女墓 和成妻孫氏女九人立石在雲山前

明文淵閣大學士許彬墓 在縣東二里杏岡成化中勅造大學士劉翊為銘

潼關兵備吳孟祺墓 在縣西五里東河村

陝西參議張彝訓墓 在縣東二十五里澗西

陝西副使張雪登墓 在縣東二十五里葛石山

刑部尚書吳崇禮墓 在縣北二十里雪埠前

明天啓年勅建祭葬有加禮部尚書孟時芳為銘

陝西布政使司右布政使密之鳳墓 在縣東四十里葛石社

鄒縣志

嶧陽孤桐 在嶧山孤桐觀前有小桐繁枝相傳為禹時孤桐已枯今從枯根發生者初桐曾發橫枝綠葉婆娑中丞萬合臺于對面大石書嶧陽枯桐四字有老道士歎曰老桐不欲留名不久將去矣遂成枯落

故南平陽城 在城西三十里後漢書以南平陽益東平國章懷太子註南平陽城兗州鄒縣是也今其地猶有平陽橋平陽寺平陽店俗呼為陶城

書洞 在嶧山仰止亭迤東相傳孔子讀書于此故名

八卦石 嶧山五華峰下相傳為遠塵子飛昇處

書門 秦始皇巡遊登嶧山勒石其上頌功德命曰書門李斯篆之後為野火燒裂或篆其文刻于棗木唐杜甫詩云嶧山之碑野火焚棗木傳刻記失真宋歐陽修云今俗傳嶧山碑史記不載其字跡大不類泰山存者其棗木傳刻耳

後宋元祐八年鄒令張文仲于北海王君向復李斯小篆刻諸廳之嶧陰堂迨至元二十有九年縣令宋德夏津人也嘆是碑殘缺恐致泯絕迺命工磨石摹刻于其側說郭云嶧山實無此

此為試讀，需要完整PDF請訪問：www.ertongbook.com

碑乃南唐徐鉉所摹刻於長安者

暴書臺 在南門子思書院西有臺高丈許元

縣令司居敬鑑字其上世稱為孟子暴書臺

子思作中庸處 在南門外孟子故宅旁至今

尚存石碑題云子思作中庸處

斷機堂 在南門外子思書院右相傳即孟子

故居也今因利橋傍尚存石碑上載孟母斷機

處

顧子山 在縣南距城二十餘里朱莊村地方

坐落黃山莊俗傳李世民被困此處李淵領兵

屯此山顧盼其子遂名焉今山頂上有平石大

畝餘上字數百大如碗年久點畫不真不能盡

辨

康王橋 在縣南距城三十里朱莊村有小橋

今僅存石數塊世傳晉朝康王幸嶧山道過此

地築此橋遂名焉

墳墓附

雙王墓 在縣城西南五十里黃山迤北有古

墓二塚周圍大二畝高二丈世傳名曰雙王孤

堆或曰伏羲帝后之墓

南宮迺墓 在城西十里至今祀之

公孫丑墓 在城西北十里至今祀之

萬章墓 在城南十里有萬村成化十八年知

縣張泰立碑至今祀之

匡衡墓 在城東二十里

姜太公妻馬氏墓 在城西南六十五里南薄

梁村迤南三里有碑

梁山伯祝英臺墓 在城西六十里吳橋地方

有碑記

李之英墓 在城西北三里

節婦祝氏墓 在石牆村

烈婦馮氏墓 在馮家莊旌表有碑

節婦樊氏墓 在城南石牆村

節婦王氏墓 在匡莊村東

節婦歐氏吳氏墓 俱在西韋社

節婦章氏墓 在歐家莊

節婦惠氏張氏墓 在岡山前

節婦趙氏墓 在岡山村北

節婦王氏墓 在城東蘭溝村

泗水縣

盧城 在縣西南十五里城址尚存建置莫考

梁父城 在縣北四里漢置縣尋章即今故縣

村查府志故梁父城屬寧陽東北九十里其遺

址周圍約五六里

舜廟 在縣東南七十里地名歷山

舜井 在舜廟前舊傳為孝順井

娥皇女英臺 在舜廟西南載山東通志

雷澤湖 其說見前相傳舜漁雷澤處

泗臺 在縣東北八里相傳孔子問禮老聃處

曬書臺 在縣東五十里聖公山上相傳曬書

于此

尼丘鄉 在縣境南泗曲接壤故有是名

汶陽鄉 在縣西春秋時取汶陽田即此
曲池亭 在縣北春秋桓公十二年會杞侯莒

子盟于曲池即此杜預云縣北有曲水亭出山

東通志查府志又屬寧陽故汶陽城

陵墓附

鮑王塚 在縣東八里

卞莊子墓 在縣東北四十二里即宮城埠查

山東通志在東昌府城西二十里

達魯花赤秦富墓 在縣西南二里

喬元帥墓 在縣西北十五里

孟節度使墓 在縣東北三里

劉隱士墓 在縣北一里元朝人以道自任有

司屢辟不就蘇惟明誌銘

孝子李克莊墓 在縣東北一里

魯府端王墓 在縣南二十五里二旂山之陽

山川環抱林木森鬱結局完固足稱佳城矣

魯府恭王墓 在端王墓轉西俱以旂山作枕

而較為雄壯規模寬綽峰巒疊疊稱大觀云

滕縣

煬城 在縣西五十里相傳為隋煬帝駐蹕處

滕城 在縣西南十五里城周圍二十里內有

子城齊乘云古滕國秦縣之漢初夏侯嬰初為

滕令號滕公因秦舊孝武封魯共王子劉順為

公丘侯都此因改之故地志以為公丘城

鞋城 縣西南二十里橫僅半里從倍之俗以

形如鞋故名與築無考

湖陵城 在城西南七十五里通志云在魚臺

縣東六十里漢王陵攻胡陵即此後為侯國沛

其東北一角云

靴頭城 在縣東六十里東江村南俗以其形如靴頭也土人云是王丞相鎮守城殊無據

仙源城 在東南峭村通志云文王第四子所封之國未詳

長城 在城東六十里無故址可考齊記云齊宣王乘山嶺之上築長城東至海西至濟州千餘里以備楚豈即齊所築也

孤獨城 在杞城東北隅周三里興築無考

藍陵城 在東北八十里城前集後城前者藍陵城之前也土人云是康王城創始無考

碗子城 在黃約山後俗傳黃約家也

四嘗邑許邑 詩云居嘗與許按田文號孟嘗君而國于薛今薛城南十里孟嘗集是也許邑當亦不遠詩註云許許朝宿邑地道記云沛有許邑而引左傳鄭滅許爲証此皆非也蓋鄭所易許田與所滅之許俱在河南而沛之許邑無乃詩之所謂居嘗與許之許乎詩云遂荒徐宅沛薛相近沛固徐葬也豈嘗在薛而許在沛耶

永興縣 按北魏置蕃郡轄蕃城宋福永興三縣今臨城西有永興社宋興村逼近臨城豈臨城即永興也宋福無考按宋黃山後有故縣集而不知其名豈永福耶

陶陽鎮 在陶山金置今廢

白馬關 在東西蓮青山之間今廢

黃草關 在城北社俗傳楊廣妹夫孫光普屯兵所大抵皆宋金時置也

文公里 即滕城舊呼爲文公里

故縣鄉 即西土城也

如市鄉 在城東北見學田記不知其義蓋元時有此鄉名

甌塵鄉 在陶山唐時名也按范丹傳後漢黨禁丹逃命梁沛之間所止單陋有時絕粒閭里歌之曰甌中生塵范史雲唐時此地屬徐蓋有史雲所居以此稱爲甌塵鄉今廢

五侯家 在城東趙家莊舊傳漢元帝母兄弟之家有天寶十一年斷碑可據按元帝母王莽姑也家元城一日五侯皆元城事此當是劉弘封昌慮故地俗誣傳之

上宮 孟子之滕館于上宮或曰今廟是也未詳

回鑾殿 二一在城東北三里一在城南六十里臨城俗呼爲皇殿文皇南幸駐蹕所也

膳脂井 舊傳在縣治西南膳脂街今廢

敵井 其形敵斜俗呼爲扳側井土人云漢光武駐此渴欲飲而不得汲井忽敵側如扳側豈其然乎

高山井 在高山下相傳水與薛河通

桃山井 見山川志

舊驛 在白了村原在湖陵城爲水所沒元至正間改建於此南通臨城北通路橋元大道於此舊云水驛非也

運河故道 起梁溪淵東經城北至湖陵有三閘詳見山川志

翫月樓 在東門甕城上今廢

山亭 在高山前於菟城後飛雲臺上俗傳於菟丞相所築山亭之名以此亭廢臺尚存

富春亭 在知縣宅內弘治間馬文盛建

靈臺 在滕城東北隅臺下有靈沼滕公效文王築之者

風花臺 在伯塚村未詳其義殆亦前人遊樂地也

觀音臺 在薛山

觀書臺 見會子山

飛雲臺 見山亭

斬蛟臺 在東南趙家莊斬龍臺在西江村俗傳皆是周處寓滕時蛟龍作水患周處斬之其患始息按周處宜與人何得來此臺志亦有周處跡大抵皆妄云

王陵臺 在縣東南五里通志云王陵所築

關雞臺 在黃約山東南李邱關雞李氏介其羽邱氏金距在曲阜此非是也按當時以關雞爲尚此或別有關雞之所與

靜樂園 在城西南隅元監郡安侯建

芙蓉池 舊官窖地也在城西南隅

白家海 在城東五十里善垌社不知所自按

嶧志白侍郎驪書臺在滄浪西山麓下有白家莊與此相近其亦彼游棲地耶然侍郎不知何代人

墳墓附

商仲廸墓 在奚仲墓東俗呼爲灰谷堆廸灰

訛也

微子墓 在微山沛縣亦有墓然皆非也按微子墓在歸德府墓前有廟唐賈至爲之碑

鄧王墓 在王莊東鑾駕道邊

春秋鮑叔牙墓 在城北十里道西鋪名鮑塚

以此嘉靖四十四年巡撫鮑象賢令有司立碑

以表之豈其苗裔也道東有管子墓東陳寺碑

云介於管鮑二塚之間且村名管里以此史記

正義云在臨淄南山阿當別有據管子相齊

臨淄近真然此名管里豈管鮑出賈時曾居此

歟抑後人因叔牙墓而衍之歟

公孫杵臼墓 在豐山隅有碑字剝蝕不可辨

按山西忻州有墓此或不真

田嬰墓 皇覽曰在魯國薛城中東南阪

毛焦墓 在西南十里

毛遂墓 在薛城北門外

徐駙馬墓 在青義村後墓被發掘塚人得誌

銘碑之土人猶記是漢明帝駙馬徐振先墓不

可考

三國曹王墓 在縣東五十里極大三國志不

見封曹王者

南北朝皇墓 在東南二百里泉上村享堂遺

址俱在土人云梁武帝也按一統志武帝墓爲

修陵在丹陽縣然此近蘭陵或其先族墓也

焦花女墓 在東南十八里

長孫逞墓 博州別駕以子浼爲滕尉就養於

滕卒葬城東南

徐元振墓 勳之裔也按白了村明昌元年碑

則以元振爲遷白了村高祖業農妻朱氏生子

仁登慶曆二年進士爲聊城簿明昌四年碑則

以元振登慶曆元年進士爲聊城簿二碑不同

然皆孫徐琳所立豈先立者爲誤記而後立者

爲正乎抑年遠傳疑故兩存之歟今直以後立

者爲真通志舊志據明昌年號而以爲金進士

誣矣

金唐括公墓 在西南六十里正隆間大章公

主淵源駙馬都尉景國公有碑

嶧縣

郛城 在郛城南郭夷父頽有功子周次子友

父別封小郭爲魯附庸居于郛樂史云郛城在

承縣土人曰小灰城小郭之訛也

安陽城 在縣西北四十里相傳爲春秋時戎

州已氏之邑秦爲縣今曹縣東南亦有安陽城

曬米城 曬麥城 俱在縣東南三十里

鍾離城 距偃陽城六十里按路史沂之承有

鍾離城春秋時晉吳會處郡國志謂此城楚將

鍾離昧所築

承縣舊驛 元初建在縣北門外舊址今廢石

刻尚存

石門莊 在縣東三十里相傳爲子路宿處

次室亭 在縣東五十里舊蘭陵城中今廢

荀子宅 在縣東五十里舊蘭陵城中

白侍郎曬書臺 在滄浪西山麓上侍郎不詳

世代履歷獨有舊刻大寧清訟之碑山下有白

家莊

散金臺 在縣東二十里漢二疏散金濟鄉人

處有元陳祐詩

張范村 在縣西三十里舊傳雞黍約會處按

巨卿家山陽張家汝南此非其地疑前偶有張

范二姓居此故得名非漢張范也

斬蛟臺 在縣西六十里舊傳爲周處斬蛟處

按處宜與人屠蛟殺虎俱在荆溪此非其地傳

者誤也

陵墓附

劉伶墓 劉伶臺其下爲劉伶墓河水混白類

酒土人相傳爲伶醺酒處按伶沛人去嶧未百

里此其置鋪處也有前人弔伶墓詩一代高風

野水邊伯倫遺塚尚依然千秋誰爲澆墳土悔

不當初葬酒泉

女媧陵 在城南金陵山詳見祠祀志

黃丘 在黃丘山北巍然一大塚名曰黃丘黃

帝陵也宋元有碑禁樵採置守陵戶嘉靖間始

毀

偃陽君墓 在縣南五十里偃陽城東舊傳爲

偃陽君求言葬處

季文子墓 在魯卿山

荀卿墓 在縣東五十里故蘭陵城南有明朝

給事中李華歌一首

漢蕭望之墓 在縣東五十里故蘭陵城東北

壘壘數高塚其一爲太傅餘爲諸子葬處按蘭

陵蕭氏自漢以來衣冠宦業相望於簡策經今

幾時故壘荒涼陸門傾圯荆榛蕪莽往來樵牧乃至無一薦麥飯者觀之可爲於邑

魏王肅墓 在嶧東南二十五里肅善經學累官光祿勳嗣父爲蘭陵侯葬此

賈侍郎墓 在縣東南五里兵部侍郎賈三近葬處

金鄉縣 昌邑王墓 在金陵集山上蓮花七峰下前有

三台山對峙 范巨卿墓 在雞黍城南舊址湮沒崇禎元年

知縣李國泰訪問故老仍爲卜築丘壟表以石碑有記載藝文志其行實另見人物傳

小兒墓 在城南門外西隅墓上有青石數塊不知所從來疑古有二小兒爭曰孔子不能窮

金鄉古書下邑或即此小兒乎錄之以俟博古君子

魚臺縣 重鄉城 在縣西十五里左傳晉文公分曹地

界諸侯魯僖公使臧文仲往受濟西田宿於重館即此今土人呼文香香鄉聲訛文名由文仲

也惜館今無考 義城 遺址猶存建置無考但鄰村寺中有金

大定時碑記內載地名義城想民間因亂聚義而自築者夫子堂即在此地去治東南二十里

又赤殘顯忠碑銘義成鄉疑城成字訛未知孰是 古城 在治東二十里建制無考舊志止傳其

名當是方與故址也

新城 在治東北五十里鳳凰山麓明嘉靖九年因黃水沒城議遷縣治於此城已累築及肩

縣堂儒學俱已折毀將並移建至三十年水退民重故土不果徙萬曆三十二年水復浸城又

議遷治明年水退士民戀舊終不果遺壘具存名新城焉

匡城 由新城踰嶺北有兩城東西對峙約周皆可四五里石址尚存

夫子堂 在治東南二十里義城地相傳夫子適陳寓此明食憲普輝過之有夫子堂空草木

長之句今其處爲左家垌堆鄰于沛界土人前建玉皇殿後建三教堂像夫子老君釋迦其中

蓋邪說繁興俗習愚昧類以聖教牽合佛老非有以正之其流未有艾也

四思堂 在南陽鎮明尚書朱衡建按公謀開新河以避黃決與總河潘季馴廬於河岸者凡

閱月則斯堂之存亦精意之所留也安得憂國奉公盡如公者故附之古蹟以志前徵

春秋閣 在郎橋頭內祀關聖蓋取公讀春秋之義也

雲巖松屋 在東山麓明初邑人王麟書室也學士解大紳爲之銘祭酒胡巖爲之歌

問津亭 相傳子路問津於此說見前思白亭 在穀亭鎮崇德書院右明萬曆中邑

侯白公希緒治魚有惠愛既陞諫垣去邑人思之爲銘碑作亭顏曰思白後尹劉公志仁更新

之

瀟灑園 庠士劉漢佐別業也在西郭市南水外柳林深處門面金莎嶺內多植柏饒松竹名

花石山石沼亭曰春芳鏡堂名嬾雲齋四圍短垣亦邑之勝槩也

觀魚臺 今上建超化寺說已見前縣之所由名魚臺也

黃臺 在治西北城中最高處也相傳以黃水不沒得名唐寶應元年遷治黃臺即此今其上

建關聖廟 龍臺 在治西南正直

文廟前臺有井相傳其中有龍故名龍臺飛雨縣景之一也說見下今臺上建文昌閣并覆閣中

花臺 在城東南瀕湖高處相傳爲勝遊之地已見王學博城池說中今雖荒墜而幽景固猶

存也 畫卦臺 在鳧山之南麓有辛與里里周匝伏

義遺蹟甚衆山麓之半有伏羲陵陵東一峰鬱然者名畫卦臺也前有伏羲廟甚古詳孟祺記

中按河南陳州有伏羲陵畫卦臺云自蔡水得龜畫卦於此從所都也上蔡有畫卦臺云臺四

周皆產著草近臺一水曰蔡溝舊有元龜縞身素甲浮游其中從龜所產也秦州有伏羲陵畫

卦臺云雪後猶見卦痕從所生也今此陵與臺不知何從想顯與奉祀于此亦有神奇但不可

考矣總之神聖遺蹟恆不拘拘一處固不必窮究真僞也

雞鳴臺 在胡陵城內東北角舊傳楚漢相持於此各築城以沙河爲界漢南楚北楚人以術藉鬼力夜築漢知之作臺於河之東許人登其上爲雞鳴以破其術故名沛治滕治皆載之然地實魚境也

龍臺井 今覆文昌閣下深黝莫測說見後

長壽寺井 深十二丈先是湮沒已久明時有隱者寓寺中晨起見霧出其處發而浚之清冽殊衆泉寺賴之隱者姓名不傳其家人尋至堅不返後亦不知所終殆高士也

皇井 在伏羲廟前深不可測東單西單諸村人咸汲用於此相傳唐時兵營此所擊呼皇井云

龍臺飛雨 臺有井今覆臺下相傳未爲閣時每陰雨井輒起魚貫舞雲霧中龍所化也故名飛雨蓋飛魚之訛

朗橋夜月 相傳聯夜猶有月影在水中今不必泥此但桂魄堂空光生匹練騎虹對景足供清賞矣

魚棠遺蹟 謂觀魚臺武棠亭也

穀亭晚渡 曩爲漕運咽喉河濱聚落土商輻輳南北要津蓋不亞都會云

荷河歸帆 朱置發運務于定陶疏荷水以轉漕運舸舫上下帆影參差固佳致也

棲霞返照 棲霞寺名也址高五丈許名棲霞堆在文香集其地亦名棲霞里按金鄉有棲霞阡趙承旨所書棲霞阡表碑尚在金鄉縣治內

柳店春風 在柳店集居人多姓柳相傳薛仁貴妻柳應春家也誕不可信傍有御葬古碑沒土中亦無考

金沙曉行 嶺多莎草色艷如金

晁山積翠 雙峰聳秀狀若鳬翔石積苔斑望之蔥翠

古塔凌雲 在明覺寺相傳塔出雲則雨故林琰詩有遶漢無心常需需從龍有意任飛飛之句今塔圯雲亦無徵

陵墓附

鄒平王墓 在鳳凰山麓之東王諱泰滕明魯藩靖王第三子也宣德四年封

滋陽王陵 在鄒平王之陵西長壽寺之側王諱當清明魯藩莊王第一庶子也成化十四年封

李左車墓 在治西南按廣武君諫陳餘說韓信事載史記漢書而葬此無考今其塚土人呼謝家垆堆謝有人作室偶取堆上片石支棟石遂爲崇禎之不愈竟瘞

王粲墓 在治東北按粲自漢獻帝時由高平徙家長安後奔荊州依劉表表卒歸魏武甚寵任之建安二十一年從征吳道病卒還葬故里文帝臨其喪語從官曰仲宣生好驢鳴可各作驢鳴以送之於是赴客皆一作驢鳴今濟寧州亦有王粲墓云在城南五十二里與此未知孰真然魚固高平地也當爲故里云

董永墓 舊志載在縣治西南三十里按董永

青州博興人流寓德安有傭身葬父感仙姬爲偶事蓋董永雖產青州其先充人也近相里集有王生者於土中得一碑額爲築溺里赤殘顯忠墓 在治東五里大聶村之原有碑文記顯忠事甚悉見本傳

成武縣

三冉故里 在城西北二十五里春秋時冉雍字仲弓冉耕字伯牛冉求字子有一族三賢皆孔子弟子明建三冉祠祀之後割屬曹縣今其後嗣仍奉祀成武

雷董里 在縣西南二十五里景河北相傳漢董仲舒微時道經此地有老人遇之不問姓字相款數月既雷一董字而去後還復過此老人曰其所謂董耶又禮之始終不及名古重道不重名如此老人不傳亦可想見其高義矣今有董子廟

嚴子陵井 在縣西南二十里許三岩村內井口甚隘僅容斗水下闊可以運船傍有臺高丈餘亦號于陵臺傳謂于陵避兵處俗有寇不入三岩之說土人立廟祀之

大礮 後漢史弘肇屯軍所遺按弘肇爲人沉毅寡言御衆嚴整所向必克高祖自晉陽安行入洛及汴兵不血刃皆弘肇之力既改國號諸鎮多降命弘肇屯軍于此今礮猶存在邑東北二十五里有大礮集

白鼠洞 在縣北二十五里梁王城境內洞皆石砌隱地丈餘長約二里許傳爲高僧得道處

有古碑

文亭山 在城西北一里許見山川

壽峰 在縣東一里許見山川

鳳凰嶺 在縣南關外見山川

馬澶淵 在縣南數里許見山川

堂溝 在縣北四十里見山川

木鴈池 在縣南門迤東見仙釋

漢泉鄉 在縣南七里吉王村缺考

陵墓附

孫期墓 在郛城村內見人物

五代南燕慕容德墓 晉隆安二年燕范陽王

慕容德南徙滑臺魏遂取鄴慕容麟上尊號於

德德用兄垂故事以統府行帝制置百官是為

南燕據此地也又二年乃定都廣固即皇帝位

更名備德後殂葬縣西南堤外一里許歷唐宋

元子孫猶有顯者至元六年揮軍慕容大郎立

碑叙之

元張成墓 在縣北二十里許按中憲諱成其

先濟寧虞城人三遷至成武依母黨遂為邑人

至大四年用子恩制贈中憲大夫中書兵部侍

郎上騎都尉清河郡伯葬成武之小房里有碑

明韓克忠墓 在縣北二里許賈莊村有碑

郭璽墓 在縣北十里許胡村有碑

孝子王俊墓 在黃蘆村夫婦孝烈奉旨二次

旌表建坊

皇清縣令宋賢都墓 在縣里許西刑懷村

曹州

河濱 在州東南五十里即舜陶處今屬定陶

諸馮 在州南五十里相傳舜生之地今按其

地與姚墟接壤誠然也

陶丘亭 在州東南三十里爾雅云丘再成為

陶禹貢沈水東出于陶丘北即此

三股亭 在州東南四十里湯與桀戰于鳴條

桀走保三股遂伐三股更其國曰曹及振鐸封

作三股亭

古亳城 在州南一百二十里曹南山之陽其

旁為蒙城括地志謂宋州北大蒙城為景亳湯

所盟地因景山為名此也謂之北亳穀屬縣西

南亳故城為湯都在今河南寧陵謂之南亳

河南偃師帝嚳及湯所都盤庚亦遷焉謂之西

亳故曰三亳景亳今在縣境

盤庚村 在州東一百里舊有盤庚祠今在縣

境

莘仲城 在州南八十里本夏有莘之國今名

莘仲集有莘仲國君墓按元和志古莘仲國在

濟陰東南有伊尹耕處即此今屬縣境其東昌

之莘縣起於隋緣莘亭而名謂為古莘國誤

陶朱公亭 在州南柳河北岸堤顛遺址尚存

重丘 春秋襄公十七年夏衛石伐伐曹取重

丘即此

故鹿城 郡國志云濟陰乘氏縣有鹿乘鄉春

秋僖公二十一年盟於鹿上即此

故戎城 在州東南一百二十里春秋會戎於

潛杜預曰陳雷濟陽縣東南有戎城即濟濟所

逕也路史云戎州吳氏邑

故楚丘城 在州東南一百二十里本春秋己

氏邑隋改置楚丘縣并屬宋州迨元改屬曹州

明洪武間省入州歷考諸書衛文公楚丘在滑

東六十里其曹邑在滑南並與本郡邈絕蓋彼

為衛境而此為曹境也舊志以此為衛之楚丘

誤

漆園城 在州東南五十里史云今與仁寃亭

有莊子漆園古蒙池也

故貫城 貫鄆也宋齊盟處齊田和伐衛取母

丘大事記云母音貫即古貫國在濟陰南五十

六里

州國城 在濟陰定陶縣春秋桓公五年州公

實來曹度其國危則不復遂居於此

桂陵 在州乘氏縣東北戰國策齊大破魏師

於桂陵即此有謂安陵即桂陵者非

陽晉城 在州西北舊乘氏縣界內張儀說魏

王曰秦下兵取晉陽即此

故濟陽城 在州南五十里竹書紀年梁惠王

城濟陽又漢梁孝王子明封濟川王都此水經

注光武生濟陽宮即其處漢書註濟陽故城在

今曹州寃白縣西南

受命壇 在州東南三十里漢高帝即位於定

陶汜水之陽即此高阜尚存今屬定陶

戚姬村 在州東南四十里漢高戚夫人生此

梁王臺 在州東南三十里相傳為漢梁王彭

越所築